《宿曜儀軌》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 21, No. 1304

No. 1304

宿曜儀軌一卷

一行撰

虚空藏印 合掌縛水指。風指如寶形。真言曰

唵阿伽沙(一)迦羅波伊野(二)唵麼哩(三)伽摩哩(四)母梨(五)娑嚩賀

若人欲求福智。當歸依此菩薩。日月星。皆虛空藏所變也

文殊印 虚空合掌。以大指各押二水甲。二風屈捻空端。真言曰

唵(引)阿(引入惡聲)味(引)羅吽佉左洛 若求息(災)

當欲殄滅七種災難。所謂日月薄喰五星。違失常度兵賊競起。水旱不時風雨失度。惡臣背逆損害國民。武狼惡獸食噉眾生。五穀不登。如是災禍急厄官府王難死厄怖等。皆當消散

普賢印 虚心合掌真言曰

支波啄(一決定)毘尼波啄(二斷結)鳥蘇波啄(三盡生死)

此呪平旦誦七遍夜七遍。厭魅野道蟲毒皆悉消滅。能得身心慧三解脫。後生不受生死之身。獲得法身。內外國土怨賊。一切惡人一切鬼神一切盜賊虎狼師子毒蟲惡獸聞此呪聲。皆口噤閉不相惱亂。天變致厄惡夢災殃。百鳥怪異自然消滅。此呪功能不可說盡

延命印 左手捻火指空指。如持蓮花。右手直申如垂。真言曰

唵(引)摩折羅喻碎(某甲)娑嚩賀

若誦此呪延命除(災)

帝釋天印 右手作拳安腰。左手直豎相著。地水二指屈中節。以風著火背。屈空中節。真言曰

唵因捺羅野娑嚩賀

若誦此呪授與官位。滿足所求

毘沙門天印 虚心合掌。交二空並竪。二風付二火側。如鉤端相去一寸不著。真 言曰

唵吠室羅縛拏野娑嚩賀

若誦此呪得大富饒。晝夜守護

日天真言曰

曩謨羅怛曩(二合)怛羅夜(引)野曩莫索里野薩嚩曩乞灑(二合)怛羅(二合)羅若野唵(引)阿謨伽烏(名位)設底娑嚩(二合)賀

月天真言曰

唵戰(上)怛羅(二合)曩乞灑(二合引)怛羅(二合)羅惹野(名位)設底娑嚩(二合)賀

火星真言曰

唵阿誐羅嚕儗野(名位)莎訶

水星真言曰

唵母馱曩乞殺(二合)怛羅(二合)弭曩(名位)契努摩莎賀

木星真言曰

唵婆羅(二合)訶薩鉢(二合)底曩摩比跢嚩曩師(名位)摩攞嚩羅(引)馱(二合)寧娑嚩賀 金星真言曰

唵戌羯羅誐馱嚩(二合)羅惹野(名位)室里(二合)迦里娑嚩賀

土星真言曰

唵(引)捨泥殺作(二合)羅曩乞殺(二合)怛羅(二合)跛羅(二合)訶摩曩嚕波野(名位)普瑟底(二合)迦里莎訶

羅睺星真言曰

唵羅戶曩阿素羅(二合)邏惹野塞摩捨都曩野(名位)扇底迦里娑嚩賀 計都星真言曰

唵嚩日囉(二合)計都曩乞殺(二合)怛羅(二合)邏惹野(名位)娑嚩賀 九執曜天印 堅固合掌。二空相並直竪。二風舒。名本開立來去。真言曰唵(一)蘖羅(二合)係濕嚩(二合二)里耶(三)鉢羅鉢多(四)珠底(五)摩野(六)娑嚩賀二十八宿印 堅固合掌。並二空直立當心。以二空召之。真言曰唵諾乞灑(二合)怛羅(二合)爼(寧吉反)蘇那儞曳莎訶

先奉供虛空藏文殊普賢延命帝釋毘沙門等菩薩天等。後勸請九曜二十八宿天北斗 之中本命屬星及以泰山府君司命司祿供之。祈乞除災延命消除厄害之事。耳

能吉祥真言曰

曩謨羅怛曩(二合)怛羅(二合)夜野(一)曩莫素摩薩羅嚩(二合)諾訖灑(二合)怛羅(二合)邏(引)惹(上)野者者都地波阿(去引)路迦羅野怛儞也(意)他努摩底跛努摩底薩賓(上)儞佉(上)細娑嚩賀

誦此九曜息災大白衣觀音陀羅尼。若日月在人本命宮中。及五星在本命宮鬪戰失 度。可立大白衣觀音或文殊八字熾盛光佛頂等道場。各依本法念誦。一切災難自然消 散。一切曜不吉祥誦此真言成能吉祥

北斗七星真言曰

唵颯跢曩而(齒)曩野伴惹密野(二合)染普他摩娑嚩(二合)弭曩(名位)羅訖山婆嚩都莎訶若羅睺計都暗行人本命星宮。須誦此北斗真言。一切如來說。破一切宿曜障吉祥。真言曰

唵薩羅嚩諾剎怛羅(二合)三摩曳室里曳扇底迦俱嚕娑嚩賀

金剛宿成就經。吉祥成就品曰。我今宣說世間成就妙祕法。如是諸曜運行虛空。若一若二三四五等。臨入眾生命宿對衝宿遷移宿大殺業宿安宿薄相宿奴婢宿。作諸厄害。四大惡曜。所謂火曜土曜羅睺計都最重眾生。是時修諸福業廣施仁慈。或依文殊八字真言。或依熾盛光佛頂。或依被葉衣觀音。或依一字王佛頂。立大息災護摩壇場。各依本法念誦供養。一切災難自然消滅。作成就法於心宿直日柳宿直日昴宿直日牛宿直日。不簡日月吉凶。但於此宿直日於一日之中。不食念誦滿一千八十遍。所有心願應時便渴大悉地。若厄難時。於本生日最相應。若作木曜成就法者。月十六日最為相應。若作火曜成就法者。即彼直日最為相應。若作土曜成就法者。每月七日最為相應。若作金曜成就法者。隨所見方平旦最為相應。若作水曜成就法者依水曜直日而作成就。若作羅睺計都法者。依本生日以為相應。若復供養本生宿者。於本生年月。若本生日而可取成就。若惡宿生每月供養。若三日七日供養直轉成吉祥直。祕勿令知俗也

宿曜儀軌一卷